

## ՆՈԽՆԱ. ՍԱՐԳՍՅԱՆ

### ՄԻՔԱՅԵԼ ՍԵԲԱՍՏԱՅԻ (ԲՐԳՆԻԿՅԻ) ՆՈՐ ՆԱՀԱՏԱԿԸ

Բանալի բառեր՝ Միքայել (Բրգնիկյի) Սեբաստացի, նոր նահատակ, վարք-վկայաբանություն, նահատակություն, ձեռագիր, կաթողիկ:

Սրբախոսական գրականության մեջ կարելի է տարբերակել հիմնականում երեք տեսակի կենսագրական բնույթի պատում հիշատակ, վկայաբանություն (վկայություն), վարք: Հիշատակն ունի զուտ գործնական-արարողական նշանակություն և կարող է վերաբերել թե՛ սրբին, թե՛ վկային: Այլ է հարցը վկայաբանությունների և վարքերի դեպքում: Վկայաբանություններն իրենց հիմքում ունեն դավանափոխության խնդիր և քրիստոնյա նահատակներին նվիրված պատումներ են, իսկ վարքերը պատմություններ՝ կյանքը խաղաղ ավարտած բարեպաշտ մարդկանց մասին<sup>1</sup>:

Ուսումնասիրողներն իրավամբ համարում են, որ «վարքերի և վկայաբանությունների կանոններն ինչ-որ անփոփոխ, քարացած կաղապարներ չեն կարող լինել», քանի որ զանազան հանգամանքներ ներգործել են այդ կանոնների վրա, սրբագրել դրանք և հարմարեցրել ժամանակի թելադրանքին<sup>2</sup>: Պետք է նաև հաշվի առնել, որ վարքերն ու վկայաբանությունները, մեզ հասած բազմաթիվ այլ գրվածքների նման, որոշակի փոփոխությունների են ենթարկվել հեղինակ-գրիչների, գրիչ-ընդօրինակողների խմբագրական աշխատանքի, տարբեր պատճառներով (պատահաբար կամ դիտավորյալ) թույլ տված սիալագրությունների, բացթողումների և այլ միջամտությունների հետևանքով: Հանդիպում է վարքագրական հուշարձանի ևս մի տեսակ, որում միավորված են վարքը՝ կազմելով երկի առաջին մասը, և նրան հաջորդող վկայաբանությունը<sup>3</sup>: Պայմանականորեն այն կարելի է անվանել վարք-վկայաբանություն:

<sup>1</sup> Մանրամասն տե՛ս Փ. Տեր-Գավթյան, Հայկական սրբախոսություն, Երևան, 2011, էջ 20: Վարք, վկայաբանություն, վկայություն, ներողյան, եկեղեցական կարգ, հիշատակ, նահատակներին նվիրված տաղեր, գանձեր և այլն, սովորաբար, ամփոփվում էին Հայության ժամանակություններում, ձարձնականություններում, Գանձարաններում, Վկայագրերում, Տոնականներում, Տոնացյաններում, Տոնապատճառներում, Տոնամակներում (Տոնանամակ) և այլն, և որոնք միասին ընդունված է կոչել սրբախոսական գրականություն: Սակայն ուսումնասիրվող վարք-վկայաբանությունը սրբախոսական գրականություն: Սակայն ուսումնասիրվող վարք-վկայաբանությունը սրբախոսական գրականություն:

<sup>2</sup> Տե՛ս Մ. Ավելալբեկյան, «Յայսմաւուրք ժողովածուները» և նրանց պատմագրական արժեքը, Երևան, 1982, էջ 8, նաև Փ. Տեր-Գավթյան, նշվ. աշխ., էջ 32:

<sup>3</sup> Տե՛ս նոյն տեղում, էջ 36:

Ալպիսի մի օրինակ է Միքայել (Բրդնիկցի) Սեբաստացու շափածո վարք-վկայաբանությունը, որ գտել ենք ՄՄ 4993 և Զմմառի մայրավանքի ձեռագրատան BzNc 325 և BzNc 281 (այսուհետ՝ Զմ. 1041, Զմ. 997) ձեռագրերում<sup>4</sup>:

ՄՄ 4993 ձեռագիրը դավանաբանական նյութերի ժողովածու է՝ գրված 1745-48 թթ.: Ձեռագրի ստացողն ու գրիչներից մեկը Միքայել Սեբաստացին է՝ նահատակված Միքայել Բրդնիկցու թոռը: Այդ մասին կարդում ենք ձեռագրի տիտղոսաթերթում և վերջում եղած հիշատակարաններում. «...գրեցեալ ձեռածք տէր Յակոբ աբեղայէ ի Կոստանդինուպոլիս քաղաքի՝ սակս վայելման տիրացու Միքայէլի՝ որդուց արդար եռուավաճառ (այլ ձեռքով լուսանցքում՝ «Եաղճեան») պարոն Մանուկի, յամի Տեառն 1745 և ի Հայոց Թօնիկ., ներ յամսում նոյեմբերի, որոյ էին աւուրք տասն (հետագայի ձեռքով՝ «ի վայելումն տէր Միքայէլի աբեղայիս Մանուկեան Սեբաստացոյ, ամի Տեառն 1778, և թոռանն՝ տէր Միքայէլի Բրդնիկցոյոյ») (Յա՝ տիտղոսաթերթ):

Հետաքրրական է, որ Հ. Աճառյանի և Հ. Մանանդյանի «Հայոց նոր վկաներ» գրքում բացակայում է Միքայել Սեբաստացու անունը, սակայն Հ. Աճառյանն իր «Անձնանունների բառարան»-ում նրա մասին որոշակի տեղեկություններ է հայտնում: Հստ դրանց՝ Միքայելը բնիկ Խարբերդցի էր, մեծացել և քահանա էր դարձել Սեբաստիայի Բրդնիկ գյուղում<sup>5</sup>: Կասկածվելով կաթոլիկական<sup>6</sup> խոռվության մեջ՝ կախաղանի է դատապարտվել և, հավատքը շուրանա-

<sup>4</sup> Գևորգ Տեր-Վարդանյանի ղեկավարությամբ Մաշտոցյան Մատենադարանի ձեռագրագետների փոքր խմբի հետ մենք ևս մասնակցում ենք Զմմառի վանքի հազարից ավելի շնկարգրված ձեռագրական հավաքածուի մանրամասն ցուցակի կազմությանը և հրատարակության պատրաստմանը: Այդ հավաքածով մեջ են նաև վերոհիշյալ ձեռագրերը, որոնց նկարագրում-ուսումնախորությունն անձամբ ենք արել և որոնք ձեռագրացուցակի պատրաստվող հատորի տպագրությունից առաջ վահեռում նանաշելի են BzNc 325 և BzNc 281 պայմանական համարներով (ինչպես նաև՝ BzNc 330 – Զմ. 1046, BzNc 345 – Զմ. 1061):

<sup>5</sup> Գյուղի մասին մանրամասն տես Հայաստանի և Հարակից շրջանների տեղանունների բառարան, հ. 1, Երևան, 1986, էջ 741: Զմ. 1061 ձեռագրում (26ար) Բրդնիկ գյուղի մասին կարդում ենք գրեթե նոյն տեղեկություններն, ինչ Տեղանունների բառարան-ում. «Բրդիկ ժամու հետի ի Սեբաստիոյ, յարևելից նորա կայ մեծ զիսն Բրդնիկ, այն է Բագրատունիկ, ընդ Արծունեաց Վասպուտականի եկին և ոմանք ի Բագրատունեաց և բնակեցան ի տեղաշն, որ անուանեցաւ Բրդնիկ: Եվ էին սովոր եօրն տունք, որք պարապէն յազնուական արուեստու և ի վահառաշահութիւն. յաելան ապա ի սոսա և ոմանք ի հողիսոսունեաց և եկօֆ և յարեցերովք բազմացաւ տակա թի բնակացն ց220 և աւելի տունք, ոգի՞ 1344»: Ասպա խոսվում է բնակության բլաբանակի մասին՝ ըստ արքունիք արձանագրի: Տրված է 1861-2 թթ. պատկերը, առամձնացված են կաթողիկ և «Էջմիածնական հայերը» (այդպես են կաթողիկներն անվանում Հայաստանյաց Առաքելական սուրբ եկեղեցու հետևորդներին): Մեր հետագա շարադրանքում բրդնիկցիների՝ Բագրատունիներից սերելու մասին աղերս կա նաև Միքայել նահատակի դամբանագրում, տես սույն հոդվածի էջ 205:

<sup>6</sup> Կարողիկե (կարուղիկ, կարողիկ), ֆրենկ (ֆոենք, ֆոանք, ֆրանկ, ֆուանկ), փուանկ (պուանկ) եղրերի մասին տես Մ. Օրմանեան, Ազգապատում, հ. Բ, Մայր Սքոռ Ս. Էջմիածին, 2001, էջ 3066-7 (այսուհետ՝ Ազգապատում Բ):

լով, նահատակվել Սեբաստիայում 1707թ.: Հ. Աճառյանը նաև նշում է, որ Միքայել Սեբաստացուն նվիրված մի տաղ ունի Ստեփանոս Եւգոկիացին՝ հղելով Հ. Տաշյանի կազմած Վիեննայի հայերեն ձեռագրացուցակին<sup>7</sup>:

«Հայոց նոր վկաները» գրքից Միքայելի վարքի բացակայության պատճառը, բնականաբար, նահատակի կաթոլիկ դավանանքը լինել չէր կարող: Առաջարանում Հ. Մանանդյանը բացատրում է. «Հրատարակած բնագրից դուրս մնացած վկայաբանական հատվածները վերաբերում են XVIII դարի կամ նորագույն ժամանակների նահատակներին, և բնագրի մյուս պակասները ևս մեծ մասամբ այդ շրջանից կարող են լինել»<sup>8</sup>:

Վիեն. 160 ձեռագրում (հայերեն-տաճկերեն Տաղարան) կարդում ենք (172ա). «Երգ առ սուրբ վկայն Քրիստոսի տէր Միքայէլ, որ ի Բրգնիկ գեղջէ՝ ասացեալ ի նոյն Ստեփանոս վարդապետէ մերմէ Եւգոկիացւոյ: Ամենառատ հայրըն շնորհաց, բաշխող բարեաց և պարգևաց ևն» Ա.-Ք»<sup>9</sup>: Նույնի համառոտ տարբերակը գտնում ենք Վիեն. 514 Տաղարանում<sup>10</sup>:

Մ. Զամշանը խիստ հակիրճ մի նախադասությամբ է անդրագառնում Միքայել Սեբաստացուն. «Յորում ամի (ՈճՇջ.՝ 1707թ. – ն. Ա.)» նահատակեցաւ և ի Սեբաստիա երանելի տէր Միքայէլ Բրգնիկցի՝ կախեալ ի փայտէ, իսկ անձինք, որք ի պատճառս այսր խոռվութեան մատնեցան ի բանտ, ոմանք ի նոցանէ յաքսորս առաքեցան, և կէսք բազում տուժելով գերծան, ընդ որս և տէր Կարապետ, և ոմանք ևս ի բանտի անդ մեռան»<sup>11</sup>:

Այս մասին փոքր-ինչ ընդարձակ է գրում Մ. Օրմանյանը: Հստ նրա՝ Կոմիտասի<sup>12</sup> նահատակությունից մի քանի օր անց լուր է հասնում Կ. Պոլիս, որ Սեբաստիայում կախաղան է բարձրացվել Միքայէլ Բրգնիկցի քահանան: Որպես նահատակության պատճառ նա նշում է տեղական երկպառակությունները, որոնք հրահրել էր Միքայելը՝ հրաժարվելով կրոնափոխությամբ ազատվելու ա-

<sup>7</sup> Տե՛ս Հ. Աճառյան, Հայոց անձնանունների բառարան, հ. Գ, Երևան, 1946, էջ 361:

<sup>8</sup> Հայոց նոր վկաները (1155-1843), աշխ.՝ Յ. Մանանդեանի և Հ. Աճառեանի, Վաղարշապատ, 1903, էջ XI:

<sup>9</sup> Յ. Տաղեան, Յուցակ հայերէն ձեռագրաց, Վիեննա, 1895, էջ 468 (այսուհետ՝ Տաղեան, Յուցակ), հմմտ.՝ Յուցակ հայերէն ձեռագրաց Միկիթարեան մատենադարանին ի Վիեննա, հ. Բ, կազմեց՝ Հ. Ասկեան, Վիեննա, 1963, էջ 684թ (այսուհետ՝ Ասկեան, Յուցակ): Վիեն. 781 ձեռագրի, որ «Հատակոսորք» է, (Ժէ, թղ. 8թ), նկարագրության վեցում կարդում ենք. «Վարք աւէր Միքայէլի, հանեալ ի դիւնէ Անտոննեան ուխտի, Կ. Պոլիս, 1903, հմմտ. Թերզեան Մ. Վ. Վ., Բրգնիկի նախապէտական առաքեալը, Պէտրոպ, 1959»: Յավոն, վեցին երկու նյութը շոնէնք ձեռի տակ: Տե՛ս Ասկեան, Յուցակ, էջ 343:

<sup>10</sup> Տե՛ս Տաղեան, Յուցակ, էջ 986:

<sup>11</sup> Մ. Զամշան, Հայոց պատմություն, հ. Գ, Երևան, 1984, էջ 755:

<sup>12</sup> Խոսքը պատմագիր Երեմիա Զելեափի Քեռմուրենյանի Եղբոր մասին է. Մ. Օրմանյանը թւ՝ Կոմիտասի, և թէ՛ Միքայելի նահատակության համար մեղադրում է լատին Եկեղեցուն և նրա ներկայացուցիչներին՝ իրենց հետևողդների նկատմամբ վարած անխոհնեմ և ոչ ուղարմիս հաղախականության համար. տե՛ս Ազգապատում Բ, էջ 3194-5:

ուաշարկից: 1707 թ. ապրիլի 19-ին Սեբաստիայում կաթոլիկ (և հավանաբար խառնակությունների մասնակից) լինելու մեղադրանքով ձերբակալված երեք հայերին հարցաքննության ժամանակ միանում են ևս երեքը: Միքայել քահանային էլ՝ որպես խառնակության տարածողի (ըստ Մ. Օրմանյանի՝ Բրգնիկում կաթոլիկության սկզբնավորողը Միքայել Սեբաստացին կարող էր լինել), ձերբակալում են ապրիլի 20-ին, և 21 օր բանտում փակելուց հետո (մայիսի 11 – ն. Ա.) մահվան վճիռ կայացնում<sup>13</sup>: Թեև չափածո վարքը նահատակության օրը դնում է մայիսի 5-ին<sup>14</sup>, սակայն Վիենա, 781 ձեռագրի նկարագրության մեջ (Հատակոտորք, ԺԷ. միավոր) կարդում ենք. «...Մարերի Դ. և Մայիսի ԺԷ. Վարք և մարտիրոսաբանութիւն տեառն Միքայէլի գերահոչակ քահանային և նահատակին Քրիստոսի: Փառաւորեալ վկայն Քրիստոսի էր ծննդեամբ ի քաղաքէ Խարբերդու, զաւակ բարեպաշտ ծնողաց»<sup>15</sup>, իսկ Մ. Օրմանյանը մեկ այլ «աղբյուրի» հայտնած տվյալին (որ է 1707 թ. մայիսի 11) վերաբերող ուղղում է անում նշելով, որ 1707 թ. մայիսի 11-ի փոխարեն 10-ն է համընկնում շաբաթ օրվա հետ<sup>16</sup>:

Այսպիսով՝ ունենք նահատակության երեք տարբեր ամսաթիվ՝ մայիսի 5, մայիսի 10 և մայիսի 11: Քանի որ Մ. Օրմանյանը չի նշում, թե այդ հաշվարկը որ տոմարով է կատարել, ուստի Հին և Նոր տոմարով մեր հաշվարկը ցույց տվեց, որ այդ երեք ամսաթվերից շաբաթ օր է եղել Նոր տոմարով 1707 թ. մայիսի 10-ը: Հաշվեցինք նաև 1708 թ. մայիսի 5-ի, 10-ի և 11-ի համար՝ դարձյալ թե՛ Հին և թե՛ Նոր տոմարով: Այդ երեք օրերից միայն մայիսի 5-ի համար ունեցանք շաբաթ օր, այն էլ՝ Նոր տոմարով միայն<sup>17</sup>:

Փաստորեն մեր հաշվարկները նշված օրերի համար համընկան միայն նոր տոմարի դեպքում: Նահատակության թվականի համար ստանում ենք երկու տարբերակ՝ 1708 թ. մայիսի 5 (տարեթիվն ու ամսաթիվը՝ ըստ չափածո, Զմ. 1041 ընդարձակ վարքի) և 1707 թ. մայիսի 10 ըստ Մ. Զամշանի, Մ. Օրմանյանի, Հ. Աճառյանի և այլ ձեռագրական տվյալների:

Զմ. 1041 ձեռագիրը, որ Սեբաստիայի պատմության մի հատված է պարունակում, Միքայել (Բրգնիկցի) Սեբաստացու վերոհիշյալ չափածո վարք-վկայաբանությունից բացի ունի նաև նրա կյանքի և նահատակության ընդարձակ, առավել մանրամասն պատմությունը: Իսկ Զմ. 997 ձեռագրում եղած նյութը միայն Միքայելի կյանքի պատմությունն է «Համառօտ բովանդակութիւն երանելոյն սրբոյն Միքայէլի վկայի նահատակելոյ ի Սեբաստիա» խորագրով:

<sup>13</sup> Տե՛ս նույն տեղում:

<sup>14</sup> Տե՛ս ՄՄ 4993, 118ա, նաև Զմ. 1041, 16թ:

<sup>15</sup> Ռսկեան, Յուցակ, էջ 343թ:

<sup>16</sup> Տե՛ս Ազգապատում Բ, էջ 3194:

<sup>17</sup> Հարարվա օրը որոշելու համար օգտվել ենք Հ. Բաղալյանի կազմած աղյուսակից. տե՛ս Հ. Բաղալյան, Օրացուցի պատմություն, Երևան, 1970, էջ 35:

Թե՛ ՄՄ 4993, թե՛ Զմ. 1041, թե՛ 281 ձեռագրերը կաթողիկ հեղինակների գրչի են պատկանում: ՄՄ 4993 ձեռագրի շափածո վարք-վկայաբանության համեմատ Զմ. 1041 և 281 ձեռագրերի տեղեկություններն ավելի ընդարձակ են և մանրամասն: Այստեղ տեսնում ենք նաև ՄՄ 4993 ձեռագրում տեղ գտած շափածո գրվածքներից առաջինը բովանդակային անխախտ շարադրանքով, թեև ունի երկու տողի բացթողում, առանձին տառասխալներ և մանր անհամաձայնություններ: ՄՄ 4993 ձեռագիրն ունի «Կարճառօտ պատմութիւն ոտանաւոր վասն նահատակութեան տէր Միքայէլն, որ ի վերայ կաթողիկէ հաւատոյն կախեալ եղև զպարանոցէ 1708 թԶԸ, մայիսի ե.», իսկ Զմ. 1041-ը՝ «Հոս կը դնեմ տէր Միքայէլի վրա գրուած ոտանաւորներ, զոր յորիներ է երանելի վկային վրա Գրիգոր վարդապետ Լէոպոլսեցի<sup>18</sup> ականատես, ժամանակակից և վկայ արժանահաւատ, որ այս կողմերը՝ Սեբաստիա և Եւգոկիա, երկու-երեք անգամ շրջած է և քարոզած կաթողիկէ վարդապետութիւն Եւգոկիա քաղաքն, ինչպէս յայտնի է իր երկայն նամակէն կամ մատենէն առ Եւգոկիացին<sup>19</sup>: Ոտանաւոր նահատակին տէր Միքայէլ Սեբաստիայ, ի գիւղէն էր Բրգնիկցի» խորագիրը: Ստորև ներկայացնում ենք այդ շափածո բնագիրը՝ հիմք ընդունելով Զմ. 997 ձեռագիրը (4բ-5ա), որն ունի հետևյալ վերնագիրը՝ «Հետագայ ոտանաւորս գերանելոյ վկայէս Է յօրինեալ ի Գրիգոր վարդապետէ Լէոպոլսեցւոյ յականատես, ժամանակակից և յարժանահաւատ վկայէ, որ և յայնոսիկ կողմանս երկիցս և երիցս երթեալ շրջեցաւ քարոզութեամբ և է սա ինքն նախկին սերմանիչ ուղղափառութեան յԵւգոկիա քաղաք, որպէս յայտ է ի բուն իսկ յինքնագիր թղթոյ նորա առ Եւգոկիացիս: Ոտանաւոր նահատակին տէր Միքայէլ Սեբաստիա, ի գիւղէն էր Բրգնիկցի»:

Հնդ հազար և ութ թուականին,  
Եօթն հարիւր<sup>20</sup> կցորդին (1708),  
Սեբաստիա<sup>21</sup> ոմանք մատնին,  
Թէ կաթողիկ հաւատու<sup>22</sup> ունին:

Կայեալ զնոսա, առեալ տարին,  
և շղթայիւր<sup>23</sup> բանտն դրին<sup>24</sup>,  
Միում աւուր<sup>25</sup> կիւրակէին,  
Զտէր Միքայէլ խնդրէին<sup>26</sup>:

<sup>18</sup> Այս Գրիգոր Լեոպոլսեցին կամ Լեհաստանցին և ՄՄ 4993-ի (84բ) գրիշ միսիոներ կարդիկ բահանա Գրիգորը նոյն անձն է:

<sup>19</sup> Հավանաբար պեսք է կարդալ «Եւգոկիացիսն» կամ «Եւգոկիացիս»:

<sup>20</sup> ՄՄ4993, Զմ. 1041 + այլ

<sup>21</sup> ՄՄ4993 Ալբաստիոյ

<sup>22</sup> ՄՄ4993 վկարօլիկ հաւատն

<sup>23</sup> ՄՄ4993 շխտայիս

<sup>24</sup> ՄՄ4993 դնին

<sup>25</sup> ՄՄ4993 Միուսումն աւուր

<sup>26</sup> ՄՄ4993 Տէր Միքայէլին խնդիր եղին փիս ԶՏէր Միքայէլ խնդրէին | Զմ. 1041 Կալեալ... գրին / Միում աւուր... խնդրէին փիս Միում աւուր... խնդրէին / Կալեալ... գրին

Սա գիւղէն<sup>27</sup> էր, որ Բրդնիկ,

Անդ բնակէր, բայց չէր բնիկ,

ըմտացեալ էր զաւակս<sup>28</sup> շննդ<sup>29</sup>,

երկուքն՝ արու<sup>30</sup>, երեքն՝ աղջիկ:

Կարճ էր վիզն, վստահ խօսէր<sup>34</sup>,

Լանքը<sup>35</sup> բոլոր, մօրվօք<sup>36</sup> շէկ էր,

Յիսուն<sup>37</sup> և եօթն ամաց էր,

Մի<sup>38</sup> և տասն ամաց քահանայ<sup>39</sup> էր:

Վասն այսորիկ ոչ գողացաւ<sup>43</sup>,

Ամենեցուն յայտնի ցուցաւ,

Նախանձելի երևեցաւ,

Նախատանաց դէմ ոչ դարձաւ<sup>44</sup>:

Հստ վերոյգրեալ<sup>46</sup> էր վկալին<sup>47</sup>,

Հինգն լցեալ էր մայիսին,

Օրն<sup>48</sup> շաբաթ, յետ կէօրին,

Չուան<sup>49</sup> եղին պարանոցին:

Կարճահասակ, ծիծաղերես,

Ճշմարտասէր, բարետէս<sup>31</sup>,

Խիստ բան շգտանես<sup>32</sup>,

Կարուք պարկեցաւ, խոնարհ<sup>33</sup> և հեղ<sup>33</sup>:

Ուսուցանել<sup>40</sup> անձանձիր էր,

Յընթերցմունս<sup>41</sup> Սուրբ գրոց էր,

Ճշմարտութեամբ<sup>42</sup> ծանուցանէր,

Ամենեցուն և վկայէր:

Աւէտարանին հաւատաց,

Խրատ<sup>45</sup> Փրկչին ստոյգ գիտաց,

Զանձն իւր ետ վասն ոշխարաց,

Որպէս հովիւ քաջ կատարեաց:

Նախատանօք<sup>50</sup> կատարեցաւ,

և ի յաղբես<sup>51</sup> թաղեցաւ,

Մարմնով<sup>52</sup> աստ<sup>53</sup> կատակեցաւ,

Հոգովն<sup>54</sup> յերկինս պսակեցաւ<sup>55</sup>:

<sup>27</sup> ՄՄ4993 ի գեօղ<sup>28</sup> ՄՄ4993 զաւակն<sup>29</sup> Զմ. 1041 հինկ<sup>30</sup> ՄՄ4993 արուն<sup>31</sup> ՄՄ4993 բարէպչս<sup>32</sup> ՄՄ4993 Սուտ բան ի նա ոչ գտանես փիս Խիստ բան շգտանես<sup>33</sup> Զմ. 1041 չիք Խիստ բան... և հեղ<sup>34</sup> Զմ. 997 խօսից<sup>35</sup> ՄՄ4993 լայնն<sup>36</sup> ՄՄ4993 մորվուօֆ, Զմ. 1041 մորվօֆ<sup>37</sup> ՄՄ4993 Երեսուն<sup>38</sup> ՄՄ4993 Միօյ<sup>39</sup> ՄՄ4993 բահանա<sup>40</sup> ՄՄ4993 Յուսուցանելն<sup>41</sup> ՄՄ4993 և յընթերմունս, Զմ. 1041 Ընթերձմանս<sup>42</sup> ՄՄ4993 Զնշմարտութինն<sup>43</sup> ՄՄ4993, Զմ. 1041 զաղեցաւ<sup>44</sup> ՄՄ4993 ոչ դէմ դարձաւ փիս դէմ ոչ դարձաւ<sup>45</sup> ՄՄ4993 Զիւրաս<sup>46</sup> Զմ. 1041 վերոյգրեալ<sup>47</sup> ՄՄ4993 բուականին<sup>48</sup> Զմ. 1041 + էր<sup>49</sup> ՄՄ4993 Զշուանն<sup>50</sup> ՄՄ4993, Զմ. 1041 Կախաղանօֆ<sup>51</sup> ՄՄ4993 յաղիսլն, Զմ. 1041 յաղիսու<sup>52</sup> ՄՄ4993, Զմ. 1041 Մարմնովն<sup>53</sup> ՄՄ4993 աստի<sup>54</sup> ՄՄ4993 Հոգովն, Զմ. 1041 Հոգովլ<sup>55</sup> Զմ. 997, 4ր-5ա, հմմտ. ՄՄ 4993, 118ա-9ա, Զմ. 1041, 16ր-7ա:

**Զափածո վարք-վկայաբանությունից պարզ են դառնում Միքայել Սեբաստոսի կյանքի հետևյալ մանրամասները. եղել է հոգևորական (11 տարի քահանայական ծառայության մեջ), ապրել է Բրգնիկում, բայց ծնունդով այդտեղից չի եղել, ունեցել է 5 երեխա՝ 3 աղջիկ, 2 տղա, մատնությամբ նահատակվել է կաթոլիկություն դավանելու պատճառով 1708 թ. մայիսի 5-ին, շաբաթ օրը, 57 տարեկան հասակում: Զափականց հետաքրքրական է արտաքին տվյալների նկարագրությունը, մանավանդ, երբ նշվում է մարմնական որևէ թերություն կամ «արատ»: Սա արգեն վարք-վկայաբանությունների ուշ շրջանի պատումներին է բնորոշ, առավելապես Հայոմավուրքի «Ծերենցյան» կոչվող խմբագրության սյուժեին է մոտ, երբ վկան որևէ անհասանելի և կատարյալ մեկը չէ, այլ մարդկային թերություններով օժտված հասարակ մահկանացու, որ, սակայն, կամքի և հավատարմության մեծ օրինակ կարող է լինել: Միքայելը՝ կարձահասակ էր, գեր, կարճ վիզ ուներ: Այս հատկանիշները բացասական երանգավորում ունեն: Դրանք թվարկվում են արտաքինի այլ մանրամասներին զուգահեռ: Իսկ ներքին հատկանիշները՝ ի հակալիշու մարմնական թերությունների, զարդարում են Միքայել վկային. նա ճշմարտասեր է, բարի, չի ստում, վարքով խոնարհ է և հեզ: Վարքագիրը, փաստորեն, փորձել է մարմնական «պակասությունները» լրացնել հոգեւոր առավելություններով:**

Վարքագիրը Գրիգոր Լեոպոլսեցին է, որ կոչվել է նաև Լեհաստանցի, եղել է կաթոլիկ հոգևորական և միսիոներ, նշանավոր հայագետ Կղեմես Գալանոս Թեատինյանի աշակերտը: 1692 թ. նա առաջին անգամ եկել է Եւգոկիա և Սեբաստիա (նաև Բրգնիկ)<sup>56</sup>, քարոզել Հոռոմեական կաթոլիկ եկեղեցու վարդապետությունը և բազմաթիվ հետևորդներ ձեռք բերել, ապա նույն տարում վարդապետական երկար նամակ է գրել «առ Եւգոկիացիս»: Սակայն Զմ. 1041 ձեռադրի հեղինակ-գրիչը, թեև նշում է այդ թվականը, սակայն կասկած է հայտնում այդ առնչությամբ՝ պնդելով, որ հեշտ չէ ճշգրիտ թվական որոշել, քանի որ Եւգոկիացի, Սեբաստիացի, Բրգնիկի և Կյուրենի կաթոլիկությունն ավելի հին է<sup>57</sup>, հին կյուրենցիներին որպես կաթոլիկների է հիշում նաև Արքահամ կաթողիկոսը<sup>58</sup>, և որ Սեբաստիայի տեղական ավանդությունները ևս այլ բան են հա-

<sup>56</sup> Այս թվականն է հայտնում նաև Զմ. 1046 ձեռադրի անանուն գրիշը (5թ-6ա):

<sup>57</sup> Տե՛ս Ա. Պատրիկ, Պատմագիրք-Յուշամատեան Սեբաստիոյ և գաւառի հայութեան, հ. Ա, Պէյրութ, 1974, էջ 521-2:

<sup>58</sup> XVII-XVIII դր. ունեցել ենք Արքահամ անունով Ամենայն հայոց երկու կաթողիկոս, առաջինը՝ Արքահամ Բ Խոչարեցին է, հայտնի է նաև որպես Բարիշեցի, Մշեցի, Քեղեցի (1677-1734 թթ.), հայոց կաթոլիկոսական գահին է բազմել 1730 թ., երկրորդը՝ Արքահամ Գ Կրետացին է, ծննդյան թիվն անհայտ, Ամենայն հայոց կաթողիկոս՝ 1734-37 թթ.: հաջորդելով Վերնիիշյալ Արքահամ Բ-ին, մահացել է 1737 թ., աե՛ս «Քրիստոնյա Հայաստան» հանրագիտարան, Երևան 2002, էջ 9-10: Քանի որ վերջինս ոչ միայն հոգևորական է եղել, այլ նաև պատմագիր, կարծում էինք, որ «Արքահամ կաթողիկոսը կյուրենցիներին որպես կարողիկներ է պիշտ» (Ն. Ա.)» հատվածը կարող էր վերաբերել Արքահամ Գ Կրետացի

վաստում<sup>59</sup>: Մինչդեռ 1692 թ. Գ. Լեռպոլսեցին իսկապես եղել է Սեբաստիա նահանգում (1622 թ. Ուրբանոս պապի հաստատած Պրոպագանդայի կաթոլիկ դպրոցի քարոզության գործով, որի աշակերտն էր), նախ՝ Թոփատում, հետո՝ Սեբաստիայում և Բրգնիկում: Կաթոլիկ պրոպագանդան Փոքր Հայքում մեծ տարածում չի գտել՝ առավելապես հաջողելով Բրգնիկ գյուղում և Թոփատում, մասամբ՝ Կյուրենում և Սեբաստիայում<sup>60</sup>:

Կաթոլիկ քարոզությունն առավել նպաստավոր հող գտավ Թոփատում, որ դարձավ նահանգի կաթոլիկ հասարակության վարչական կենտրոնը, և որից կախման մեջ էին Սեբաստիայի, Բրգնիկ գյուղի և Կյուրենի համայնքները<sup>61</sup>: 1713 թ. Գրիգոր Լուկին այցելել է Բրգնիկ, հետո՝ Թոփատ, սակայն 1715 թ. բանտարկել է, ապա՝ միշնորդությամբ և գումարով ազատ արձակվել<sup>62</sup>: Զմ. 1046-ի անանուն հեղինակ-գրիչը գրում է, որ թեև Գրիգոր Լեռպոլսեցին համարձակորեն իրեն համարում է կաթոլիկ առաջին քարոզիչը Թոփատում, սակայն Միքայել Երեցի վարքագիրն այդ գերը հատկացնում է վերջինիս: Երբ 1707 թ. Միքայել Երեցը նահատակվեց, Սեբաստիայում, Բրգնիկում և Թոփատում արգեն բազմաթիվ կաթոլիկներ կային, և Միքայելն ինքն է կաթոլիկություն քարոզել վերոնշյալ վայրերում: Բացի այդ 1769 թ. Հոռմի ո. Աթոռին ուղղված նամակում բրգնիկցիները նշում են, որ Միքայել Երեցի նահատակությունից 6 տարի անց՝ 1713 թ., Բրգնիկ է գալիս Գրիգոր Լեռպոլսեցին<sup>63</sup>:

Զմ. 1041 ձեռագրի անանուն գրիչը հայտնում է. «...Յամի 1707 Ամճակ. Երկու ականաւոր մարտիրոսներ ունեցաւ հայ ազգը, մէկը՝ Կ. Պոլիս՝ տէր Կոմիտաս՝ քահանայ՝ որդի տ. Մարտիրոսի, որ ընդունեցաւ մարտիրոսութեան պսակը ին. հոկտ. գլխատմամբ, երկրորդ՝ տէր Միքայէլ քահանայ Բրգնիայ,

պատմագիր-կարողիկոսին, սակայն նրա «Պատմության» մեջ շնանդիպեցինք նման հիշատակության (տե՛ս Աբրահամ կաթողիկոսի Կրետացւոյ Պատմագրութիւն անցիցն իւրոյ և Խառը-Շահին պարսից, Վաղարշապատ, ՈՅԺԹ.-1870, կամ Աբրահամ Կրետացի, Պատմություն, Քննական բնագիր՝ ուսւերեն քարզմանությամբ, առաջարան և ծանոթություներ՝ Ն. Ղորգանյանի, Երևան, 1973): Մնում է Ենքարել, որ, եթե կարողիկ միջավայրում հոգևոր առաջնորդին կարողիկոս են կոչում, ապա հավանական թեկնածուն Աբրահամ Արծիվլյանն է 1749 թ. կիրանանում գտնվող Զմեմանի մայրավանդի հիմնադիրը: Մանավանդ որ Զմ. 1046 ձեռագրում (8թ) ուղարկիութեն նշվում է, որ որևէ վարդապետ կամ եպիսկոպոս չի եկել Կյուրեմ՝ կաթոլիկություն բարովեր, քանի որ կյուրենցիները հնուց ի վեր կարողիկներ են հիշատակվում, և որ այդ մասին գրված է Աբրահամ կարողիկոսի «Տոմար»-ի մեջ:

<sup>59</sup> Տե՛ս Զմ. 1041, 15ա:

<sup>60</sup> Տե՛ս Ա. Պատրիկ, նշանակություն, էջ 521-3:

<sup>61</sup> Տե՛ս նույն տեղում:

<sup>62</sup> Տե՛ս նույն տեղում, նաև Զմ. 1046, 5թ:

<sup>63</sup> Տե՛ս Զմ. 1046, 6ա-8ա:

<sup>64</sup> Երևանի Քյոմուրենիանի եղբայրը:

որուն համար կը գրէ (Պտմ. հայ., հտ. Գ., գլ. ԽԳ.)<sup>65</sup>, յորում ՈՃՇԶ. (1707) ամի նահատակեցաւ և ի Սեբաստիա երանելի տէր Միքայէլ Բրգնիքցի՝ կախեալ զփայտէ, իսկ ընդարձակ պատմությունը գրուած է հին ժամանակէ այլայլ անձինքներէ. հու կը համառօտեմ և, եթէ Տէր հաճի, կը գրեմ առանձին տետր»<sup>66</sup>:

Այս հատվածից հստակ երևում է, որ Միքայել Սեբաստացու վարքը կամ նահատակության պատմությունը գրի են առել մեկից ավելի անձինք, ուստի նրա մասին անդրադարձների գուցե հետագայում հանդիպենք նրա ժամանակակից և ավելի ուշ շրջանի ձեռագրերում, հատկապես՝ հայ կաթոլիկ միջավայրում:

Համագրելով բոլոր տվյալները՝ կարող ենք ներկայացնել Միքայել Սեբաստացու կենսագրությունն առավել ընդարձակ և մանրամասն: Հստ Զմ. 1041 ձեռագրի՝ Միքայելը ծնվել է Խարբերում 1650-2 թթ., 3-4 տարեկան հասակում որբ է մնացել: 1655 թ. Սեբաստիայի Բրգնիկ գյուղից Խարբերդ գնացած ոմն Խաչատուր նրան բերել է Բրգնիկ:

Եթէ նրան Բրգնիկ են տարել 1655 թ.՝ 3-4 տարեկան հասակում, ուրեմն պետք է որ ծնված լիներ 1651-1652 թթ.: Հստ շափածո վարքի՝ Միքայելը նահատակվել է 1708 թ., իսկ ըստ այլ տվյալների՝ 1707 թ.: Նահատակության ժամանակ նա երեսունյոթ (ըստ ՄՄ 4993-ի) կամ հիսունյոթ (ըստ Զմ. 1041-ի և Զմ. 997-ի) տարեկան էր: Հետհաշվարկով առաջինի դեպքում ծնվել է 1671 թ., երկրորդի՝ 1651 թ.: Ճիշտ է երկրորդը, իսկ 37-ը գրչական սխալի արդյունք է:

Զմ. 997 ձեռագրում (5ա), որտեղ շարադրված է «Համառօտ բովանդակութիւն երանելոյն սրբոյն Միքայէլի վկայի, նահատակելոյ ի Սեբաստիա» վերնագրված վարք-վկայաբանությունը, կարդում ենք. «Յոտանաւորէ աստիքաց ի վերոյ գրելոցս քաղի նախ թէ Ա. ծնունդ երանելոյն նահատակին եղել յամի Տեառն 1651: Քահանայութիւն նորա ի հասակ 46 ամաց՝ 1694, Գ. նահատակութիւն նորա ի հասակի 54 ամաց ւ ի 5 մայիսի 1408, իսկ գալուստ նորա ի Բրգնիկ ըստ այլոց համարի լինել յամի 1640 քսանամեայ գոլով»: Գրիը թվականների սխալ է թույլ տվել. Եթէ ծնվել է 1651 թ., քահանա ձեռնադրվել 46 տարեկանում, ապա դա պիտի լիներ 1697 թ., և ոչ 1694 թ.: Բացի այդ՝ նահատակությունը չէր կարող ծնունդից մոտ երկու դար առաջ լինել: Ինչպես տեսնում ենք, այս ձեռագրի ունեցած տվյալները զգալի շփոթ են առաջացնում առանց այն էլ ճշգրտման կարոտ որոշ հարցերում: Ամենայն հավանականությամբ, բոլոր տարեթվերում 4 թիվը պետք է փոխարինել 7-ով. այսպես՝ ձեռնադրվել է 1697, Բրգնիկ է եկել 1670, նահատակվել՝ 1708 թ. 57 և ոչ 54

<sup>65</sup> Հապավումները գրչինն են, վերջինս հավանաբար օգտվել է Մ. Զամշանի Հայոց պատմություն (Վենետիկ, 1786, վերահրատ.՝ Երևան, 1984, հ. Գ, էջ 755) աշխատությունից:

<sup>66</sup> Բնագիրը ներկայացված է նոյնությամբ, իսկ կետադրությունը մերն է:

տարեկան հասակում: Եթե 1670 թ. նա 20 տարեկան էր, ուրեմն պետք է ծնված լիներ ոչ թե 1651, այլ 1650 թ.:

Ճմ. 1041-ի ընդարձակ շարադրանքը, Ճմ. 1046-ի ունեցած տվյալները, Մ. Զամշանը, Մ. Օրմանյանը, ապա նաև Հ. Աճառյանը, որպես նահատակության տարեթիվ, նշում են 1707-ը: Իսկ ըստ Ճմ. 997 ձեռագրի և շափածո վարք-վկայաբանության՝ նահատակության թվականը 1708-ն է: Այս գեպքում 57 տարվա հետհաշվարկով ծննդյան թվականի համար ստանում ենք 1650: Ստացվում է 1 տարվա տարբերություն (1651-ի համեմատ), իսկ թվի գրության՝ «Կթ/եաւթութ» ձեզ գրչական շիռթ պետք է դիտել: Ուստի եթե Միքայելի ծննդյան համար ընդունում ենք 1651-ը, նահատակության տարին 1708 թ. է, իսկ 1650 թ.-ի դեպքում 1707 թ.: Ուրեմն փոքրիկ Միքայելին Բրդնիկ են տարել 5, իսկ 1708 թվականի դեպքում՝ չորս տարեկանում:

Փաստորեն թե՛ ծննդյան, թե՛ նահատակության թվականները մեկական տարվա անհամաձայնություն ունեն, և եթե դա սխալագրության արդյունք չէ, ապա տարբեր տոմարական հաշվարկների հետևանք պետք է դիտել:

Խաշատուրը որդեգիր զավակին դաստիարակում և կրթության է տալիս տեր Հովհաննես քահանա Մարկոսյանի մոտ, ով հետագայում Միքայելին ամուսնացնում է իր մինուճար դստեր հետ: 1697 թ. մահանում է Հովհաննես քահանան, և 1698 թ. Սահակ արքեպիսկոպոսը Միքայելին իր երկու ընկերների հետ Մ. Նշան եկեղեցում<sup>67</sup> ձեռնադրում է քահանա<sup>68</sup> կոչելով տեր Միքայել, տեր Աստվածատուր և տեր Գասպար<sup>69</sup>:

Հստ Ճմ. 1041 ձեռագրի՝ քառասնօրյա կրթության ընթացքում Միքայելը «...Հոգւոյն Սրբոյ շնորհքով ճանշցաւ կաթողիկէ դաւանութեան ստուգութիւնը և Հոռվմայ աթոռոյն և հայրապետին իշխանութիւնն ամէն ազգաց վրա»<sup>70</sup>: Միքայել քահանան ապրում է բարեպաշտ, օրինակելի, աշխատասեր, ուսումնասեր, համեստ և առաքինի կյանքով «Հեռու էր դատարկաբանութենէ, և պարապ խօսք բնաւ չէր ըներ, և ասոր կը վկայէ ականատես և ականջալուր պատմա-

<sup>67</sup> «Ա. Նշան վանի» ու «Ա. Նշան եկեղեցի» արտահայտությունները գրեթե միշտ որպես հոմանիշ են գործածվել: Խոսքը, հավանաբար, Սեբաստիայի Ս. Նշան մայրավանիի մասին է, որ թեմակալ առաջնորդանիստ է եղել:

<sup>68</sup> Հաշվի առնելով Ս. Նշանի կարգավիճակը և ստեղծված կրոնահաղաքական լարվածությունը՝ հնարավոր չեր առանց նախապայմանի բահանա ձեռնադրել մեկին, ում մասին հայտնի էր, թե կարողիկ վարդապետության հետևորդ է, ուստի հավանաբար այս դեպքում ևս աեղի են ունեցել այնպիսի իրադարձություններ, որոնց մասին այդքան սրտնեղած հայտնում է Սիմեոն Երևանցի կարողիկոսը: Ազգի կրոնական թշվառ վիճակը նկարագրելով՝ նա խոսում է ստորյամբ, գումարով կամ հովանավորող այդ «ախտառներ»-ի մասին. տե՛ս Ա. Օհանջանյան, Քանալի ճշմարտութեան, Երևան, 2015, էջ 60-1:

<sup>69</sup> Ճմ. 1041, 15թ, տե՛ս նաև Ճմ. 1046, 8ա:

<sup>70</sup> Նոյն տեղում:

գիրը<sup>71</sup>, թէ ոչ ինքը դատարկ բան մը կխօսէր և ոչ ուրիշին խօսել կու տար իր առջեր: Քարոզութեան մէջ յորդ էր, Բրգնիկն զատ կը քարոզէր Եւղոկիա, Սեբաստիա և այլ տեղեր, ուր որ երթար, նրիթ բանից կաթողիկէ վարդապետութեանն էր: Ականատես պատմից կը վկայէ, որ երեկոյէ մինչև առաւօտ բոլոր գիշերը կը քարոզէր կամ կը մեկնէր աստուածային Սուրբ գրքերը, կը բորբոքէր ամենքն ի սէրն Աստուծոյ և ծանօթացնէր կաթողիկէ վարդապետութիւնը»<sup>72</sup>:

Հստ Զմ. 1041-ի՝ 1707 թ. ապրիլի 11-ին սաստիկ հալածանք է սկսվում կաթողիկ հայերի<sup>73</sup> նկատմամբ, որոնց մեղադրում էին իշխանության դեմ կագմակերպած ապստամբության մեջ<sup>74</sup>. «Այս զրպարտութիւնն ընողները հայեր էին և Ա. Նշանի առաջնորդն<sup>75</sup> Աստուածատուր Թմբուկ» (14ա): Զերբակալվում են Մելքիսեթ Սուրբիասենց, Պետրոս Լանչաջի, Առաքել Փոստալճոնց, նաև գյուղացի եմիրիանոս, Մինաս Լեփլեփիշը և կօշկ[ակ]ար Արագչան, ընդհանուր թվով վեց անձ<sup>76</sup>: Նրանց դատարան տանողները և ամբաստանողները հայեր

<sup>71</sup> Գրիգոր Լեռպուտեցուն նկատի ունի:

<sup>72</sup> Զմ. 1041, 15թ:

<sup>73</sup> Հայ կարողիկներին անվանել են նաև «ախրամաներ». տե՛ս Ա. Օհանջանյան, նշվ. աշխ., էջ 65:

<sup>74</sup> Միջավայրը, որտեղ զարգանում են դեպեր, ներառում է Կ. Պոլսի բաղաժական և հոգևոր իշխանությունների շրջանակը: Կարողիկ հայերի՝ Կ. Պոլսի պատրիարքական արողությունը վերականգնում էր առաջ Եւրոպում (XVII դարի կեսերին) և ընդհանուր շարունակվում 1700-14 թթ.: Տերությունը բաշալերում էր այդ երայրասպան կրիվները՝ իրավունք տալով նրանց, ումից գումարներ էր ստանում. տե՛ս Հ. Գրիգորիս ծ. Վ. Գալիմետեան, Կենսագրութիւններ երկու հայ պատրիարքներու և տասն եպիսկոպոսներու և ժամանակին կաթողիկեագր, Վիեննա, 1915, էջ 63, 68-70:

<sup>75</sup> Սեբաստիայի արթեպիկոպոսական արողը մի որոշ ժամանակ (գուցե մեկ տարի) քափուր էր, երբ 1701 թ. համանաներն ու իշխանները միաձայն արթեպիկոպոս են ընտրում ենց նոյն հաղափից Աստվածատուրին (մականունը՝ Թմբուկ). տե՛ս Զմ. 1041, 14ա, նաև Ա. Պատրիկ, նշվ. աշխ., էջ 144: Պ. Զորանյանը հայտնում է, որ նա ուղեկցել է Ավետիք Տիգրանակերտցուն իր աֆրիկյան հանապահությունների ժամանակ (1669-99 թթ., տե՛ս Պ. Զորանյան, «Ավետիք Տիգրանակերտցուն մասին», Լրաբեր հասարակական գիտությունների, Երևան, 1973, Մայիս, էջ 98, 104: Եթե առաջնորդ էր ընտրվել 1701 թ., ստացվում է հանապահություններից երկու տարի անց): Իսկ Պ. Աղանյանը հայտնում է, որ Աստվածատուր վարդապետը մահացել է 1722 թ. հունվարի 13-ին՝ 20 տարի լինելով Սեբաստիայի Ս. Նշան վանիի առաջնորդը: Փաստուեն ունենք Աստվածատուր-Թմբուկի զահակալման տարերվերը՝ 1701-22: Տե՛ս Գ. Աղանեանց, Դիւան հայոց պատմութեան, զիրք Ժ. (Մանր մատենագիրք, ԺԵ.-ԺԹ. դար), 1912, էջ 377, 406-8 (այսուհետ՝ Դիւան հայոց պատմութեան), նաև Ա. Պատրիկ, նշվ. աշխ., էջ 85, 144, նաև Յովհաննես Սեբաստիայի, Պատմութիւն Սեբաստիոյ, աշխ.: Բ. Զուլասպեանի, էջ 77, 79-81: Մականունը հանդիպեցինք նաև «Թմբիկ» (տե՛ս Գ. Գալիմետեան, նշվ. աշխ., էջ 251) և «Դմբուկ» (տե՛ս Դիւան հայոց պատմութեան, էջ 377, նաև Ա. Պատրիկ, նշվ. աշխ., էջ 85, 144) տարբերակներով:

<sup>76</sup> Մ. արք. Օրմանյանը ևս նշում է վեց անձ, սակայն առանց անուններ տալու. տե՛ս Ազգապատում Բ, էջ 3194:

էին, որոնք բերում են նաև երկու սուստ վկա, բայց վկայության սուստ լինելը պարզվում է, և դատավորը մերժում է այն: Սակայն Աստվածատուր արքեպիսկոպոսը, ծնկի գալով դատավորի առջև, «ինքնին սկսաւ ամբաստանել և վկայել բոլորովին ստութիւններ, և իր ժողովուրդը կաղաղակէր՝ մեղքը մեր վրա, և վարձքը քեզի»<sup>77</sup>: Այնուհետև դատավորը բանտարկության վճիռ է գրում և հանձնում «մուսաշիրին»:

Հստ Զմ. 997-ի Միքայելին, որպես խոռովության կազմակերպչի, փերեզակի նման հագնված, փնտրում են ամենուրեք և գտնում մկրտության խնջույքի սեղանի շուրջ: Միքայելն իսկույն հասկանում է, որ նորեկները փերեզակներ չեն, քաջալերում է ներկաներին, որ շվախենան, քանզի իր հետեւից են եկել: Տեր Միքայելին նախ բգեշիք մոտ են տանում, և բգեշիք հարցին, թե՛ նա է արդյոք բրգնիկցիներին մոլորեցնող երեց Միքայելը, համարձակ պատասխան տալով միանգամից մահվան է դատապարտվում: Ծնդարձակ վարքի հեղինակը կարծես զուգահեռներ է տանում ավետարանական այլ պատումի հետ՝ Քրիստոսի ձերբակալության և դրան հաջորդող պատմության<sup>78</sup>: Այսպիսով, երկրորդ օրը Միքայելի հետ Բրգնիկից բերում են նաև տեր Գասպարին, նրանց ևս շղթայակապ բանտարկում են՝ ոտքերը կոճղերի մեջ: Միքայելը քաջալերում և ոգեսորում է բանտարկցներին<sup>79</sup>: Անանուն գրիչն ակնհայտորեն բարձրացնում է կաթողիկ հոգեսորականին և բացասական գծերով ներկայացնում Աստվածատուր արքեպիսկոպոսին ու իր կողմնակից մյուս հայերին: Հստ Զմ. 997 ձեռագրի՝ ամբաստանողները չեն բավարարվում մինչև կիրակի օրվան սպասելով և պահանջում են օր առաջ երանելուն կյանքից զրկել: Նահատակությունը տեղի է ունենում շաբաթ երեկո (կիրակնամտին) Սեբաստիայի Ս. Աստվածածին եկեղեցու բակում, երբ հավատացյալները եկեղեցի են գնում՝ մասնակցելու երեկոյան աստվածպաշտական արարողություններին<sup>80</sup>: Փաստորեն ամբաստանողները ոչ միայն մահ էին պահանջում Միքայելի համար, այլև ցանկանում էին ահարեկել նրա հետևորդներին:

Աշ Մ. Զամշանը, ո՛չ Մ. Օրմանյանն ամբաստանողների անունները չեն տալիս (միայն նշում են, որ դրանք հայեր էին), և միայն Զմ. 1041 ձեռագրի հեղինակ-գրիչն է հայտնում այդ ամբաստանություններին Աստվածատուր արքեպիսկոպոսի բուռն մասնակցության մասին:

Հստ Զմ. 1041 ձեռագրի՝ Աստվածատուր արքեպիսկոպոսը դիմում է «քեհյային»՝ աղերսանքով և ընծաներով, որպեսզի տեր Միքայելի համար մահվան վճիռ կայացվի՝ առանց նախընթաց քննության՝ նրա հասցեին նորանոր

<sup>77</sup> Զմ. 1041, 16ա:

<sup>78</sup> Տե՛ս Զմ. 997, 2բ:

<sup>79</sup> Տե՛ս Զմ. 1041, 16ա:

<sup>80</sup> Տե՛ս Զմ. 997, 3բ:

զրպարտություններ անելով<sup>81</sup>: Քեհյան ծանուցում է փաշային, և վերջինս հրամայում է կախաղան բարձրացնել Միքայելին: Երբ Միքայելը լսում է եղած վճիռը, ուրախանում և քաջալերում է իր ընկերներին, թե՛ Աստված ուզում է, որ իրենք ևս մարտիրոսությամբ ավարտեն իրենց կյանքը: Մայիսի 10-ին՝ ուրբաթ օրը, կուսակալը մահվան վճիռ է կայացնում, առանց դատավորի դատական քննության որոշման, և շաբաթ (մայիսի 11-ին) կեսօրից հետո նրան տանում են «չավուշի» մոտ: Վերջինս սիրալիրություն է ցուցաբերում, անգամ սուրճ է հյուրասիրում և երեք անգամ հորդորում Միքայելին, որ դավանափոխ լինի՝ ընդունելով մահմեդականություն, բայց Միքայելն ամեն անգամ պատասխանում է, որ քրիստոնյա է և Քրիստոսի ծառա: Երբ չավուշը տեսնում է, որ նա դավանափոխ չի լինում, հրամայում է կապել ձեռքերն ու տանել հրապարակ (ըստ Զմ. 997-ի՝ եկեղեցու դռան առջև)՝ կախաղանի, որտեղ էլ Միքայելն ավանդում է հոգին<sup>82</sup>:

Այնուհետև վարքի ընդարձակ տարբերակում նշվում է, որ հայերը<sup>83</sup> հրահանգում են ոմն ժամկոչի աղյուսի մեջ թաղել Միքայելի մարմինը, սակայն օրեր անց բարեպաշտ կաթողիկ մի հայ, փաշայից հրաման առնելով, հանում է մարմինն «այն անարգ տեղէն, որ կը բուրէր հոտ անուշ և բնաւ եղծուած չէր, այլ ամբողջ մնացած», և թաղում քաղաքից դուրս գտնվող «Ա. Քառասուն Մանկունք» կոշվող օտարների գերեզմանատանը<sup>84</sup>, որոնց միանում է նաև այս նոր մարտիրոսը<sup>85</sup>: Հստ Զմ. 997-ի՝ մարմինը գերեզմանատուն տեղափոխվել է նահատակությունից 2 օր անց՝ 1708 թ. մայիսի 4-ին (4ա): Ստացվում է, որ այն տեղի է ունեցել մայիսի 2-ին, ինչն արժանահավատ չի թվում:

Վարքի վերջում նահատակի սրբությունը փաստող ավանդապատում է ներկայացվում. կախաղանի ճանապարհին գլխից սպիտակ գլխարկն ընկնում է գետնին<sup>86</sup>, մի բորոտ հայ պատանի վերցնում, դնում է իր գլխին, և, անմիջապես բժշկվելով, սկսում է աղաղակել. «Ես ևս կը հաւատամ աստոր վարդապետութեան»<sup>87</sup>:

<sup>81</sup>Տե՛ս Զմ. 1041, 16ա: Այլևս Աստվածատուր արթեպիսկոպոսի անոնք չի հիշատակվում: <sup>Գ.</sup> Աղանյանը, <sup>Ա.</sup> Պատրիկը պարզապես լրում են այդ դեպքերի մասին՝ գույք կրոնական կողմնակալուրյան պատճառով: Հնարավոր է նաև հակառակը՝ վերոնշյալ ձեռագրի անանուն գրիչն իր կրոնական պատկանելուրյունից ելեկով՝ Աստվածատութին դրական լուսի ներքն չի ներկայացնում:

<sup>82</sup> Զմ. 1041, 16ա:

<sup>83</sup> Հավանաբար, նկատի ունի ոչ կաթողիկ հայերին:

<sup>84</sup> Գրիշ որակումն է: Այս գերեզմանատան մասին մանրամասն աե՛ս <sup>Ա.</sup> Պատրիկ, նշվաշին, էջ 296:

<sup>85</sup> Այստեղ ևս զգացվում է կաթողիկ և էջմիածնական հայերի նկատմամբ Զմ. 1041-ի հեղինակի վերաբերմունքը:

<sup>86</sup> Գրիշը տողատակում նշում է. «Զի սովորութին է առ օսմանեանս ի տանել անդ զմահապատն ի կախաղան արկանել ի գլուխ նորին զգբակ սպիտակ և մերկացուցանել ի սովորական զգեստուցն, բայց ի շապկէ և ալին». Զմ. 997, 3թ:

<sup>87</sup> Տե՛ս Զմ. 1041, 16ա, նաև Զմ. 997, 3թ:

Քրիստոնյայի նահատակության ժամանակ կամ նրանից հետո որևէ այլակրոն ականատեսի՝ այդ դեպքերից ազգվելը կամ հիվանդությունից բժշկվելն ու դավանափոխ լինելը սրբախոսական գրականության մեջ այուժեի ընդունված և օրինաշափ ձև է: Սակայն Միքայելի նահատակության պատմության մեջ նորագարձը ազլակրոն չէ, այլ նույն կրոնի մեկ այլ ճյուղի հետևորդ. այսինքն՝ այստեղ տարբերակվում են քրիստոնեության կաթոլիկ և առաքելական՝ «էջմիածնական» ուղղությունները՝ շեշտելով կաթոլիկության ճշմարտացիությունը: Սա այն կովանն է, որը համահունչ է Միքայելի ամբաստանության և մատնության գործում գրչ՝ ոչ կաթոլիկ հայերին ուղղված մեղադրանքին:

Ըստարձակ վարքի հեղինակը կարծես հող է նախապատրաստել նահատակի սրբագասման համար: Սրբացման առաջին և ամենաանառարկելի պայմանն արյան վկայությունը կամ նահատակությունն է, երկրորդը՝ հրաշքի առկայությունը՝ բժշկություն: «Ուրիշ շատ մը հրաշքներ գործած է երանելին տէր Միքայէլ իր մահուանէն ետե, զորոնք զանց կընեմ յիշատակել»<sup>88</sup>, երրորդը գերեզմանից եկող անուշահոտությունն է և սրբի մարմնի անապականությունը:

Վկայաբանության ավարտով շի ավարտվում Միքայելի հետ առնշվող պատմությունը: Նրա անունն արդեն կապվում է իր սերոնդների հետ: Հստ Զմ. 1041-ի՝ վկայի որդիներից մեկը Բաղդադ է գնում, ամուսնանում և մնում այնտեղ, իսկ մյուսը՝ Մանուկը, ամուսնանում է Կ. Պոլսում և յուղավաճառ լինելու համար կոչվում Յաղթի (թուրքերեն բառով): Այստեղ պետք է ավելացնել ՄՄ 4993-ի տվյալները Մանուկի, ավելի ճիշտ՝ նրա որդի Միքայել Սեբաստացու մասին, ով իր նահատակ պատի նման հոգեկորական է եղել. «Յաղագս անուան և վայելման անձինչ Սեբաստիացի դպիր Միքայէլին՝ որդույ իւզավաճառ Մանուկին, և թոռանն տէր Միքայէլին, որ ի Սեւաստ նահատակեցեալ՝ վասն սրբոյ եկեղեցւոյ Հոօմէականի, ի յիսուսաւանդ դաւանութեան գերեզանիկ հաւատոյ...» (106թ), կամ «Յիշատակ է գիրս ...եկեղեցւոյ Սուրբ Սարգսի ի Բրգնիկ, որ է Հայելի ճշմարտութեան ...տեառն Միքայէլէ եաղճեան կամ Մանուկեան գրեալ՝ ի վայելումն թոռին սուրբ նահատակին՝ տեառն Միքայէլի, ...և յընթացս բազում ուրեք յիշի անուն նորա և գրի վարք նորին ոտանաւորաւ և գովեստ նահատակութեան նորին ի Գրիգոր վարդապետէ Բրոբականտացւոյ»<sup>89</sup>, ...և ես՝ Բրիգնիկցի տէր Միքայել վ. Շեկեան, ոչ վայել համարեցայ զանուն և զվարս նորին թողուլ յանկեան ուրեք զօղեալ...» (ՄՄ 4993, 2թ): Միքայելը հիշատակարաններից մեկում ինքն իրեն կոչում է նոտար գրիչ՝ «Գրեցաւ ձեռամբ տէր Միքայէլ նօտար գրչէ Սեբաստացոյ, Կոստանդնուպոլիս, Խալաթիեայ...» (ՄՄ 4993, 84թ):

<sup>88</sup> Տե՛ս Զմ. 1041, 16ա:

<sup>89</sup> Նույն Գրիգոր Լեոպոլսեցի-Կեհաստանցին է:

Միքայել դպրի գրչին պատկանող երկերի թիվը թեև դժվար է որոշել, սակայն մեզ հայտնիների մասին՝ համառոտ.

«Գիրքս այս, որ կոչի Հայելի ազդեցութեան (Ն. Ա.), Բրգնիկցի տէր Միքայելի թոռան, որ ի քաղաքն Սեբաստիա վասն ուղղափառ հաւատոյ նահատակեցաւ, և եաղճի Մանուկի որդի մահտեսի տէր Միքայէլի ձեռամբն օրինակեցեալ... թվին Փրկչին 1792...»<sup>90</sup> կամ նույնի՝ «...օրինակեցեալ եղև ձեռամբ Մանուկեան տէր Միքայէլ աբեղայէ ի Կոստանդնուպոլիս, թուին 1790»<sup>91</sup>, «Ճշմարտապէս ծանուցանօղ զգլիաւորութիւն սրբոյ եկեղեցւոյ... Գիրքս այս... Բրգնիկցի տէր Միքայէլի թոռան (որ ի Սեբաստիա, ի գիւղն Բրգնիկ նահատակեցաւ վասն ուղղափառ հաւատոյ) և եաղճի Մանուկի որդւոյ՝ տէր մահտեսի Միքայէլ աբեղայի ձեռամբն օրինակեալ...»<sup>92</sup>:

Ինչպես տեսնում ենք՝ Միքայել Սեբաստացի կրտսերը (թոռը) սրբազն պարտք է համարում իր գրչին պատկանող ձեռագրի հիշատակարաններում նշել նահատակ պապի անոնք՝ սերունդներին հիշեցնելով հանուն հավատի կյանքը զոհաբերած մարդու սիրանքը: Սակայն իր ավելի վաղ գործերում Միքայել գրիշը պապի մասին տեղեկություն չի տալիս. «Փոքր քրիստոնեական վարդապետութիւն... իսկ վերստին օրինակեցեալ եղև ձեռամբ Միքայէլ Մանուկեան Սեբաստացւոյ: Եւ ի յամի Տեառն 1756, Հոկտեմբերի 12, ի Կոստանդնուպոլիս»<sup>93</sup>, «Յանկիրը, 1774 թ. ... աշխատասիրութեամբ յումեմնէ յետնեալ բանասիրէ Միքայէլ յԱբեղայէ Կոստանդնուպոլսեցւոյ, յաշակերտեաց Տեառն Յակոբայ Աստուածաբան վարդապետի և գերջնտիր պատրիարքին Կոստանդնուպոլսոյ, հանգուցելոյ առ Քրիստոս: Ի փառս եռամիոյն Աստուածածնի՝ թագուհոյն հրեշտակաց»<sup>94</sup>, և «Քանք իրթնագոյնք Աւետարանին... գրեցեալ եղև ձեռամբ Միքայէլ դպրէ Սեբաստացւոյ յամի կենարարին մերոյ 1754ուն, ի Կոստանդնուպոլիս քաղաքի»<sup>95</sup>:

Մեզ հայտնի է Միքայել Սեբաստացի կրտսերի հեղինակած ընդհանուր թվով վեց գործ:

Ճմմառի վանքի միաբանական ցուցակն ուսումնասիրելիս հանդիպեցինք Մանուկյան Յաղճի Միքայէլի անվանք՝ ծնված կ. Պոլսում 1759 թ. առաջ, ձեռնադրված 1779 թ. առաջ և մահացած 1805 թ. փետրվար ամսից հետո:

<sup>90</sup> Տե՛ս Յուցակ հայերէն ձեռագրաց Զմմառի վանքի մատենադարանին, կազմեց՝ Մեսրոպ Վրդ. Քէշիշեան, Վիեննա, 1964, էջ 625 (այսումնեա՞ Քէշիշեան, Յուցակ):

<sup>91</sup> Տե՛ս նույն տեղում:

<sup>92</sup> Տե՛ս նույն տեղում, էջ 633:

<sup>93</sup> Տե՛ս Մայր Յուցակ ձեռագրաց Մրբոց Յակոբեանց, հ. շորորդ, կազմեց՝ Ն. Էպս. Պոլարեան, Երուսաղէմ, 1969, էջ 285:

<sup>94</sup> Տե՛ս Մայր Յուցակ ձեռագրաց Մրբոց Յակոբեանց, հ. ութերորդ, կազմեց՝ Ն. Էպս. Պոլարեան, Երուսաղէմ, 1977, էջ 370:

<sup>95</sup> Տե՛ս Քէշիշեան, Յուցակ, էջ 713:

«Յաղճի» մականունն ու տարեթվերի համընկնումը թույլ է տալիս պնդել, որ ջմմառի այդ միաբանն ու Միքայել նահատակի համանուն թոռը նույն անձն է Միքայել դպիր Սեբաստացին: Ուստի միաբանական ցուցակում նրա ծննդյան թվականի մոտավոր սահմանը պետք է իշեցնել առնվազն մեկ-երկու տասնամյակով, քանի որ 1745-48 թթ. գրված ՄՄ 4993 ձեռագրի հիշատակարանում Միքայել Սեբաստացի կրտսերը հիշատակվում է որպես գրիչ (մի մասի) և ստացող:

Միքայել Բրգնիկցու հետնորդներից հայտնի է նաև նրա որդի Մանուկի սերնդից տիկին Սոֆիի անունը, ով, ամուսնանալով Թընկր աղա Հովսեփ սեղանավորի հետ, ունենում է որդիներ, որոնցից նշանավոր էին Հովհաննես Էֆենդին և Յավեր փաշան<sup>96</sup>: Սակայն պարզ չէ, թե վերոնշյալ տիկինն ազգակցական ինչ կապ ունի Միքայել նահատակի հետ, հավանաբար թոռնուհի է կամ ծոռնուհի: Նահատակին ձոնված դամբանագրում կա ևս մի անուն՝ «Ի քոց սերնդաց ծաղկեալ ի Պօլիս, / Լուցիա տիկին Թընկրեան առհմիս...»: Այսպես սահմանափակ է Միքայել Բրգնիկցու «տոհմածառի» մեր ունեցած պատկերը, և մեր ունեցած տվյալները ոչինչ չեն ասում նրա մյուս որդու, դուստրերի և նրանց սերունդների մասին:

1870 թ. Հոռոմում Կեսարիայի արքեպիսկոպոս Հովհաննես Հաճյանը Միքայել քահանայի մասին գրում է, որ նրա պատվական նշխարներին, նահատակությունից ի վեր, այցելում են բազմաթիվ ուխտավորներ, և Սեբաստիա քաղաքից դուրս գտնվող «Քառասուն մանկունք» կոչված գերեզմանատնից նրա մասունքները 1834 թ. Կեսարիայի առաջնորդ Միքայել արքեպիսկոպոսի ձեռքով (Սեբաստիայի վիճակ) փոխադրվում են եկեղեցու բեմի մոտ<sup>97</sup>: Դա վավերացված է նրա ստորագրությամբ և նույն բեմի վրա գրված ոտանավոր-հիշատակարանով, որ նահատակի դամբանագիրն է.

<sup>96</sup> Նրանց մասին այլ տվյալներ դեռևս չունեմ:

<sup>97</sup> Ս. Սարգսի Զորավար Եկեղեցու բեմի մասին է խոսքը. «Փ ի Բրգնիք Եկեղեցի հոյակապ հարաշէն նույրեալ ի պատի Ս. Սարգսի Զօրավարին, աւագ սեղանն է ի կնեայ բարանց և զառաշեալ նորա ի մարմարինեայ բեմի տապանաձև յօրինելոյ զետեղեալ կայ մարմին ծառային Աստուծոյ տեառն Միքայել Երիցոն՝ նահատակելոյ ի Սեբաստիա յամին 1708: Առ ետև Եկեղեցոյն է առաջնորդարանն, յորում ունի գրնակութիւն իւր արքեպիսկոպոսն Սեբաստիայ: Ի Խորխոռունաց բնակեց աստէն են Գրիգոր Պետրոս կ. Տէր-Աստուծածառեան կարողիկոս Կիլիկիոյ և Վասնդ արքեպիսկոպոս Մելիտենեայ: Աստի էր և Յովհաննէս արքեպիսկոպոս Կեսարիոյ: Բնակիչ գեղչ կարողիկեայք են առ հասարակ ի վաղ ժամանակաց». տե՛ս Զմ. 1061, 26բ-7ա: Այն, որ Ս. Սարգսի Եկեղեցու մասին է խոսքը, փաստում է նաև Զմ. 997-ը (4ա) 1834 թ. Բրգնիկի Ս. Սարգսի Եկեղեցու հերթական նորոգության ժամանակ Երանելու ուկորները գերեզմանից տեղափոխում են «Փ հակատ դասի Եկեղեցոյն», և, որ բժշկություն են ստանում ոչ միայն հավատացյալներն, այլև հերետիկոսները:

«Գանձեալ ամսիս մի ի շքնաղ տապանիս,  
Գանձ անմահութեան մարմնոյ վկայիս,  
Վեհ նահատակիս, տէր Միքայէլիս,  
Անգին նշխարք ի շքեղ շիրմիս:

Ուրա՛խ լեր, ցնծա՛, տու՛ն Բագրատունիս,  
Ընդ շող հաւատոյ նոր մարտիրոսիս,  
Որով լուսացի խաւարըն վայրիս,  
Լոյս կաթողիկէ նախակին առւետիս,

Ի քոց սերնդաց ծաղկեալ ի Պօլիս,  
Լուցիս տիկին Թընկրեան տոհմիս,  
Որ յօժարակած զայս կերտուած յարկիս,  
Նուիրէ սիրով ձեզ նախահաւիս»<sup>98</sup>:

**ՄՄ 4993** ձեռագրում հանդիպում ենք Միքայել (Բրգնիկցի) Սեբաստացուն նվիրված շափածո մեկ այլ գրվածքի, որն ըստ ժանրային պատկանելության ներբող կարելի է համարել.

«Գովասանութիւն վասն նահատակութեան տէր Միքայէլին՝ վերապատուելի սուրբ քահանային, ի Գրիգորէ<sup>99</sup> առաքելական վարդապետէ շարադրեցեալ յամի Տեառն ԱԶԺ. (1710):

Ի յաստատուն Սէբաստիեայ,	Քանզի գոլով արի և քաշ
Տէր Միքայէլ հայ սուրբ քահանայ,	Վասն Յիսուսի կրեաց զիսաշ,
Վասն հաւատուն կաթոլիկայ,	Կախեալ զիսայտէ ձև ոչ էր խաշ,
Տոռամբ կախեալ եղե վկայ:	Կամաւն էառ յանձն իւր ըզիսաշն:

Իբր երեսուն և եօթն ամաց,	Զիսան ունէր միշտ ի մտի,
Ուրախ սըլրատիւ ի մահ դիմեաց,	Յանգոյն Յիսուս վարդապետի,
Տալով քզկեանն ճշմարտեաց,	Որ խաշեցաւ ի ուրժաթին,
Ջզուրբ հաւատոն ուղղափառաց:	Սա կախեցաւ ի շաբաթին:

Եր շատագով սուրբ հաւատոյն,	Նա բևեռէալ ի վերա խաշին,
Քաջ և արի հարանցն հանգյն,	Սա սևեռեալ սիրով Փրկչին,
Վերայ հիմանն էր հաստատուն,	Նորա խաշն էր ի յերկուսին,
Պետրոս վիմին կազմեցաւ տուն,	Սորա խաշն էր ի մէջ սըրտին:
Եւ իբրև վէմ, բայց կենդանին,	Տոռամբ կախեալ ըստ անմեղին,
Որպէս ինքն խոստովաննի,	Փրկչին մերոյ անմահ Գառին,

<sup>98</sup> Տե՛ս նույն տեղում, 17ա:

<sup>99</sup> Նույն Գրիգոր Լեոպոլսեցին է:

Եղեալ որմոյ սուրբ տաճարի,  
Շինուած եղև ոգեսրի:

Ուսուցանէ զըստոյգ հաւատ,  
Կաթօլիկէ սուրբ և հաստատ,  
Որպէս որդի մօր հարազատ,  
Յաղագս որոյ եմուտ ի մարտ:

Որպէս ոշխար առ կտըրքին,  
Անմոռւնչ կայր ըստ սուրբ տառին:

Ի յերկիր աստ այսօր ցուցաւ,  
Նոր նահատակ վկայեցաւ,  
Թէպէտ կախմամբ կատակեցաւ,  
Բայց յոյժ փառօք երանեցաւ:

Վերջ:

Վասն որոյ, ես՝ տէր Գրիգոր,  
Միսիօնար և հեռետոր,  
Ի գովութիւն վկայիս նոր,  
Զերգս հիւսեցի սակաւաւոր»<sup>100</sup>:

Անկախ նրանից, թե մարտիրոսը կրոնական ինչ կողմնորոշում ունի, իր նահատակությամբ վկայում է հանուն հավատի՝ հանուն սկզբունքի կամ գաղափարի կյանքը զո՞նելու պատրաստակամության մասին՝ դրանով իսկ գրավելով խանդավառված հավատացյալ հոտի ուշադրությունը:

Այսպիսով պարզվեց, որ աղբյուրները հակասական տվյալներ են պարունակում, հատկապես ժամանակագրական առումով: Եթե դրանք իմբավորենք, ասենք, ըստ նահատակության թվականի, կտանանք հետեւյալ պատկերը.

ՄՄ 4993/Զմ. 1041 / Զմ.

997 (շափածո վարք),

Զմ. 1041 (ընդարձակ  
շարադրանք)

1708 թ. մայիսի 5

Զմ. 1046,

Մ. Զամշյան,

Մ. Օրմանյան,  
Հ. Աճառյան

1707 թ. մայիսի 10

Զմ. 997

(ընդարձակ  
շարադրանք)

1708 թ.  
մայիսի 2, 5

Զմ. 1041

(ընդարձակ  
շարադրանք)

1707 թ.  
մայիսի 11

1708 թ.  
մայիսի 5

1707 թ. մայիսի 10

1708 թ.  
մայիսի 2, 5

1707 թ.  
մայիսի 11

Ինչպես տեսնում ենք, Զմ. 1041 և 997 ձեռագրերի գրիշներն անփութություն են ցուցաբերել՝ նույն դեպքի համար տարբեր թվականներ նշելով՝ շափածո վարքում 1708 թ., իսկ հետագա շարադրանքում 1707 թ.: Աւտի հաշվի առնելով այլ տվյալներ, կարծում ենք՝ պետք է որպես նահատակության թվական ընդունել 1708-ը, և, ըստ այդմ էլ, հետհաշվարկի միջոցով ճշգրտել կենսագրական մյուս տարեթվերը:

Ամփոփենք վերը բերած մեր եզրահանգումները. Միքայել քահանա Սեբաստացին (Քրիստոնիզմի) ծնվել է 1651 թ. Սեբաստիայի Խարբերդ քաղաքում: Հանգամանքների բերումով մեծացել և կրթվել է Սեբաստիայի Քրիստոնիկ գյուղում, ստացել քահանայական ձեռնադրություն 1697 թ. 46 տարեկան հասակում, խորամուխ եղել կաթոլիկ դավանանքի մեջ: Կյանքն անցել է քաղաքա-

<sup>100</sup> ՄՄ 4993, 119ա-20ա:

կան, կրոնական խառնակությունների բովում: Մեղադրվել է կրոնական երկպառակություններ կազմակերպելու մեջ, ինչն էլ դարձել է նահատակության պատճառ: Ուստի նրա վարք-վկայաբանությունը քննում ենք ժամանակի պատմական, քաղաքական և կրոնա-դավանաբանական իրականության ուսումնակրման համատեքստում:

Նահատակին նվիրված տաղեր և ոտանավորներ կան՝ գրի առնված Ատեփանոս Եվդոկիացու, Գրիգոր Լեոպոլսեցու ձեռքով (գուցե ժամանակի ընթացքում ի հայտ գան և այլ բնագրեր կամ տվյալներ): Նրա վարք-վկայաբանությունը մեզ է հասել թե՛ արձակ, թե՛ շափածո տարբերակներով: Պարզվեց նաև, որ Միքայել նահատակի անունով անվանակոչված թոռը՝ Միքայել Սեբաստացի կրտսերը, ևս եղել է հոգևորական՝ Զմմառի վանքի միաբան արեղա, գրել-ընդօրինակել մի շարք ձեռագրեր, և, որպես գրիչ՝ հիշատակվել դեռևս 1745 թվականից, ինչը թույլ տվեց նրա ծննդյան մոտավոր թվականը հետ տանել 2 տասնմայսկով:

### НОННА САРГСЯН НОВОМУЧЕНИК МИКАЭЛ (БРГНИКЦИ) СЕБАСТАЦИ

**Ключевые слова:** Микаэл (Бргникци) Себастаци, новомученик, житие-мартиролог, мученичество, рукопись, католик.

В статье исследуется житие-марторолог армянского новомученика XVIII в. Микаэла (Бргникци) Себастаци. Хотя его имя было знакомо исследователям, оно не значится в книге Г. Ачаряна и Я. Манандяна *Армянские новомученики (1155-1843)* и осталось неизвестным широкому кругу читателей. Сопоставив извлеченные из рукописей противоречивые биографические данные, мы полагаем, что Микаэл родился в 1651 г., был посвящен в сан священника в 1697 г. и принял мученическую смерть 5-го мая 1708 г. Его казнь была следствием борьбы между католическими и апостольскими (эчмиадзинскими) армянами в эпоху правления османских правителей. Впервые публикуются три стихотворения: житие-мартиролог, похвальная ода и эпитафия. Текст первого составлен на базе трех рукописей. Устанавливается также, что другой инок по имени Микаэл Себастаци, монах Бзоммарского монастыря, скопировавший несколько рукописей, был внуком новомученика. Житие-мартиролог Микаэла (Бргникци) Себастаци представлен в историческом, политическом и конфессиональном контексте своей эпохи.

**NONNA SARGSYAN  
THE NEW MARTYR MICHAEL (BRGNIKTSI) SEBASTATSI**

**Keywords:** Michael (Brgniktsi) Sebastatsi, new martyr, life and work, martyrdom, manuscript, catholic.

This article examines the life and martyrdom of Michael (Brgniktsi) Sebastatsi (18<sup>th</sup> century). Although his name was known to scholars, his martyrdom was not included in H. Acharyan's and H. Manandyan's *Armenian New Martyrs (1155-1843)*. So he remained unknown to the wide readership. Relying on rather contradictory biographical information found in manuscripts, the present study clarifies some details of Michael Sebastatsi's biography and verifies some dates about his life and work. It is assumed that Michael was born in 1651, was ordained priest in 1697 and martyred on May 5, 1708. His martyrdom was the result of conflicts between Catholic and Apostolic Armenians, intentionally instigated by the interventions of Turkish rulers. The article also contains three poems, published for the first time: Michael's martyrology, his panegyric and epitaph. The text of the first poem is based on a collation of three manuscripts. It is also mentioned that another priest named Michael, a monk of the Bzommar monastery, was his grandson and the scribe of a number of manuscripts. In the course of this study, the life of the new martyr Michael Sebastatsi is presented within the historical, political and religious context of the time.